

Anketa

Saffov probni popis

Mi smo Bošnjaci

Prema Zakonu o popisu stanovništva u Bosni i Hercegovini popis će se provesti u periodu od 1. do 15. aprila 2013. godine. Pola godine prije početka popisa u našoj zemlji pokrenuta je opširna kampanja o spomenutom popisu stanovništva. Najviše polemike u ovoj predpopisnoj kampanji vodi se oko toga kako će se naš narod izjasniti, odnosno hoće li bošnjački narod biti jedinstven u potvrđivanju svog historijskog imena Bošnjak. Nažalost, ovih dana smutljivi pojedinci i grupe na sve načine pokušavaju zbuniti bošnjački narod, sve čine da se naš narod odrekne svog historijskog imena Bošnjak i prihvati druge, lažne identitete. Od 15. do 29. oktobra u BiH je održan probni popis, odnosno, simulacija popisa stanovništva koji će biti održan u aprilu 2013. Saff je u proteklih deset dana održao svoj probni popis, anketirali smo ugledne Bošnjake i Bošnjakinje, pitali smo ih hoće li se izjasniti kao Bošnjaci na predstojećem popisu stanovništva. Svi anketirani bošnjački uglednici izjasnili su se pozitivno i svi su izrazili svoje zadovoljstvo da učestvuju u anketi. Nakon ove ankete moramo izraziti svoje uvjerenje da zbunjivači bošnjačkog naroda neće uspjeti, Bošnjaci će u velikoj većini potvrditi svoji historijsko ime. U nastavku objavljujemo fotografije sa kratkim izjavama anketiranih bošnjačkih uglednika



Reisu-ulema Husein ef. Kavazović

Mi smo Bošnjaci, jezik nam je bosanski, a din nam je islam

Te tri riječi su naša domovina, kuća u kojoj stamuje naš bošnjački duh. Politike koje budu zagovarale drugačije, bit će prepoznate. Mi ćemo učiniti sve što je do nas i pozivamo i druge da učine ono što je u njihovoj moći. Prilika je da na ovo pitanje stavimo tačku, kao svjestan i zreo narod. (www.preporod.com)



Dževad Poturak, K-1 borac



Dino Konaković, bivši košarkaš, trenutno je član Skupštine Kantona Sarajevo

Mr. Fatmir Alispahić
Nema bosanstva bez Bošnjaka

Potpuno je jasno da je projekat tjeranja Bošnjaka u nepostojeće bosanstvo završni dio genocida nad Bošnjacima, s ciljem da se Bošnjaci razdijele na one koji će biti Bošnjaci i one koji će biti ništa. Taj projekat je brižno pripreman, sponzoriran, a što se vidi iz agresivnog i združenog nastupa mreže nevladinih organizacija i srpsko-hrvatskih medija u Sarajevu, odakle se Bošnjaci tjeraju da postanu ništa. U narednom periodu je važno indoktriniranim Bošnjacima objasniti da ako se izjasne kao Bosanci, to neće nigdje biti napisano, niko neće reći da u BiH ima toliko i toliko Bosanaca, već će biti upisano da ima toliko i toliko Ostalih, što znači da je bespredmetno izjašnjavati se kao Bosanac. Biti Bosanac znači biti nula! Predmet manipulacije je u tome što ovi zaludeni Bošnjaci vjeruju kako će izjašnjavanjem kao Bosanac nešto učiniti, a jedino što će učiniti jeste da će dati svoj doprinos genocidu nad Bošnjacima. Svaki Bošnjak koji se izjasni kao Bosanac

upisat će se na onu stranicu historije na kojoj su kreatori pokolja u Srebrenici i genocida nad Bošnjacima. Tim izmanipuliranim Bošnjacima treba objasniti da kao Bosanci postaju vojnici Radovana Karadžića, Milorada Dodika i njihovih cionističkih sponzora i savjetnika. Svaki Bošnjak, samo kao Bošnjak, na putu je očuvanja bosanske ideje, a koje nema bez kritične mase Bošnjaka. Ako se Bošnjaci raspolove, na one koji su Bošnjaci i one koji su ništa, nema tada ništa ni od ove države, ni od bosanstva. Da bi postojalo bosanstvo, kao zajednički imenitelj, prvo moraju postojati Bošnjaci. Dakle, ko želi da bude Bosanac, prvo mora biti i ostati Bošnjak. Sve drugo je podvala.

